



ISLAMSKA ZAJEDNICA U BOSNI I HERCEGOVINI REISU-L-ULEMA

Broj: 01-03-1-1313/20

Datum, 17. redžeb 1441. god. po H.

12. mart 2020. godine

Shodno kur'anskom načelu „...*ako neko bude uzrok da se nečiji život sačuva, - kao da je svim ljudima život sačuva...*” (K, 5:32) i slijedeći uputu Poslanika, a.s.: „*Ako čujete da se pojavila opasna zarazna bolest u nekoj zemlji ne ulazite u nju. Ako se pojavi u zemlji u kojoj se nalazite, ne izlazite iz nje bježeći.*“ (Buharija i Muslim), a na temelju odredbe člana 10. Pravilnika o organizaciji i radu Rijaseta i člana 4. Pravilnika o reisu-l-ulemi Islamske zajednice u Bosni i Hercegovini, Reisu-l-ulema donosi:

INSTRUKCIJU

o postupanju organizacionih jedinica, organa, ustanova i drugih pravnih lica Islamske zajednice u Bosni i Hercegovini

Član 1.

Ovom instrukcijom propisuje se postupanje organizacionih jedinica, organa, ustanova i drugih pravnih lica Islamske zajednice u Bosni i Hercegovini za vrijeme trenutne epidemiološke situacije u svijetu, koja zahvata i područje Bosne i Hercegovine, domovinskih zemalja i bošnjačke dijaspore, a u cilju preduzimanja mjera radi sprečavanja širenja bolesti koju uzrokuje korona virus (COVID-19).

Član 2.

Islamska zajednica u Bosni i Hercegovini poziva svoje članove i pripadnike na maksimalnu odgovornost i iskazivanje brige prema svom zdravlju i zdravlju drugih, te pridržavanje svih mjera prevencije, predostrožnosti, odgovornog ponašanja i preporuka koje izdaju nadležne institucije i ustanove.

Član 3.

Islamska zajednica u Bosni i Hercegovini apeluje na sve vjernike i vjernice da se nakon obavljanja dnevnih namaza i džuma-namaza bespotrebno ne zadržavaju u zatvorenim prostorijama i haremima džamija, mesdžida i drugih objekata Islamske zajednice, te da prostorije u kojima se obavljaju obredi dodatno očiste, dezinficiraju i provjetravaju.

Član 4.

Svim osobama iz rizičnih grupa, koje su kao takve definisane u preporukama nadležnih državnih organa, preporučuje se da sve dnevne namaze obavljaju u kući/stanu, te da umjesto džuma-namaza u svojim domovima klanjaju podne-namaz.

Član 5.

Hatibima se sugeriše da usklade vremensko trajanje hutbe sa aktuelnim okolnostima.

Član 6.

U pogledu održavanja nastave u odgojno-obrazovnim ustanovama Islamske zajednice u Bosni i Hercegovini i mektebske nastave za vrijeme trenutne epidemiološke situacije, preporučuje se praćenje i pridržavanje uputa nadležnih državnih organa a koje se odnose na obustavu nastave

u svim obrazovnim institucijama. U skladu s tim obustavlja se izvođenje mektebske pouke do daljnjeg.

Član 7.

Svi organi Islamske zajednice, od džematskih odbora do rukovodstava odgojno-obrazovnih ustanova, poduzet će dodatne sanitarne mjere da bi se pojačano održavala čistoća, kako prostorija, tako i posjetitelja.

Član 8.

Organizacija svih drugih kolektivnih vjerskih obreda (dženaza), programa i manifestacija treba da bude u skladu sa preporukama i naredbama nadležnih institucija i ustanova, koje se odnose na organizaciju javnih skupova i manifestacija.

Član 9.

Zabranjuje se svim službenim osobama u Islamskoj zajednici putovanje u inostranstvo do daljnjeg osim u hitnim slučajevima za što je potrebno pribaviti posebnu saglasnost reisu-l-uleme.

Član 10.

Sve službene osobe i uposlenici IZ u BiH i njenih institucija i organizacionih jedinica koji su se vratili iz inostranstva u domovinu dužni su poštovati upute nadležnih organa što podrazumijeva i eventualni obavezni karantin za putnike iz rizičnih zemalja.

Član 11.

Ova instrukcija stupa na snagu danom donošenja.

Dostavljeno:

- Organizacione jedinice Islamske zajednice
- 1. Kancelarija reisu-l-uleme
- 2. Uprave Rijaseta 5x
- 3. Uredi Rijaseta 3x
- 4. Mešihati 3x
- 5. Muftijstva 9x
- 6. Uredi muftija 3x
- 7. Krovne organizacije IZ 13x
- 8. Medrese i islamske gimnazije 9x
- 9. Islamski fakulteti 4x
- 10. Media centar IZ u BiH 1x
- a/a

